



NORMATIVA Nº 2

TROFEOS FEDERACIÓN GALEGA – XUNTA DE GALICIA OUTRAS COMPETICIÓN



INDICE:

I.COMPETICIÓN

I.A - TROFEO FEDERACIÓN-XUNTA DE GALICIA

- 1-DEFINICIÓN E ORGANIZACIÓN
- 2-PARTICIPACIÓN
- 3- CALENDARIO E FORMATO DO CAMPIONATO
- 4- MEDALLAS E TROFEOS

I.B – OUTRAS COMPETICIÓN

- 1- DEFINICIÓN E ORGANIZACIÓN
- 2- PARTICIPACIÓN
- 3- CALENDARIO
- 4- INSCRICIÓN

II.CUESTIÓN COMÚN

- 1- UNIFORMIDADE
- 2- DESPRAZAMENTO E HOSPEDAXE
- 3- VARIOS

III. APROBACIÓN E MODIFICACIÓN



NORMATIVA Nº 2

TROFEOS FEDERACIÓN GALEGA – XUNTA DE GALICIA OUTRAS COMPETICIÓNS



I. COMPETICIÓNS

I.A. TROFEO FEDERACIÓN - XUNTA DE GALICIA

1. DEFINICIÓN E ORGANIZACIÓN

1.1. Consideraranse TROFEOS FEDERACIÓN GALEGA – XUNTA DE GALICIA todos aqueles recoñecidos como tales pola Federación Galega de Tiro con Arco (en adiante FGTA) e que, ademais, figuren no calendario oficial da mesma.

1.2. Todos os TROFEOS FEDERACIÓN GALEGA – XUNTA DE GALICIA estarán organizados pola FGTA, a cal poderá solicitar a celebración polos Clubs ou calquera outro organismo ou entidade na que delegue a FGTA.

1.3. Para o desenvolvemento e celebración de cada un dos TROFEOS FEDERACIÓN GALEGA – XUNTA DE GALICIA:

* Aire Libre Arco Recurvo, Arco Composto, Arco Tradicional, Arco Desnudo, Arco Estándar Veterano, Senior, Xuvenil e Cadete;

* Aire Libre Arco Recurvo e Arco Composto Infantil, Alevín, Benxamín e Esquíu;

* Sala Arco Recurvo, Arco Composto, Arco Tradicional e Arco Desnudo Veterano, Senior, Xuvenil e Cadete;

* Sala Infantil Arco Recurvo e Arco Composto Alevín, Benxamín e Esquíu

atenderase ao establecido nesta Normativa, ás circulares de cada convocatoria e ao que establezan os Regulamentos e Normativas de WA e RFETA.

1.4. Para que a un Club, Delegación ou entidade se lle conceda o desenvolvemento dun TROFEO FEDERACIÓN GALEGA – XUNTA DE GALICIA, deberá presentar a súa candidatura á Asemblea Xeral nas condicións que se soliciten. Se máis dun Club, Delegación ou entidade presenta a súa candidatura, a elección farase mediante votación dos asistentes, por maioría simple. A estes efectos a FGTA disporá dun protocolo de condicións mínimas a cumprir que firmarán ambas entidades (Ver Modelo de Protocolo).

1.5. No caso de non haber candidaturas, a FGTA poderá contactar con algún Club ou entidade para a súa celebración, ou ben asumila directamente.

1.6. A entidade colaboradora comprometerase a cumprir co establecido nesta Normativa, o Protocolo de organización e na circular de convocatoria correspondente. En caso de non cumprir co establecido reterase a eventual subvención da FGTA.



NORMATIVA Nº 2

TROFEOS FEDERACIÓN GALEGA – XUNTA DE GALICIA OUTRAS COMPETICIÓNS



A subvención aboarase unha vez que a documentación da competición (actas e resultados) estea en poder da FGTA.

1.7. A FGTA designará o Comité Técnico do Campionato, podendo a entidade colaboradora propoñer os Xuíces e o Director de Tiro. Os gastos de desprazamento e manutención de dito Comité Técnico correrán a conta da FGTA.

1.8. A FGTA nomeará un Comité de Apelación para cada Campionato, con competencias segundo as normativas da WA e da RFETA.

2. PARTICIPACIÓN

2.1. Poderán participar nos TROFEOS FEDERACIÓN GALEGA – XUNTA DE GALICIA os/as arqueiros/as con licenza tramitada a través da FGTA. No caso de quedar postos de tiro vacantes poderanse ocupar con arqueiros/as con licenza da RFETA ou de calquera outra Federación recoñecida pola WA.

2.2. Os/As arqueiros/as con licenza tramitada a través da FGTA poderán inscribirse nos TROFEOS FEDERACIÓN GALEGA – XUNTA DE GALICIA na clase á que pertencen, así como en calquera de clase superior, excepto na de Veteranos. Os/As arqueiros/as veteranos poderán participar como Senior si esta clase está convocada.

2.3. O número de arqueiros/as estará limitado pola capacidade das instalacións. O Club, ou entidade colaboradora, comunicará o número exacto antes da emisión da circular correspondente.

2.4. O número mínimo de inscritos para que nunha categoría se poida proclamar un/ha gañador/a no TROFEO FEDERACIÓN GALEGA – XUNTA DE GALICIA será de catro (4).

2.5. Os/As Primeiros/as, Segundos/as e Terceiros/as Clasificados/as de cada categoría serán proclamados ao finalizar cada Trofeo. As distintas clasificacións dos Trofeos realizarase baixo as normas da WA e da RFETA en vigor.

2.6. Terá dereito a participar para revalidar o seu título o/a Gañador/a vixente do TROFEO FEDERACIÓN GALEGA – XUNTA DE GALICIA, independentemente do ránking e das puntuacións conseguidas.

Tamén terán dereito a participar no TROFEO FEDERACIÓN GALEGA – XUNTA DE GALICIA, independentemente do ránking e das puntuacións conseguidas, os/as arqueiros/as incorporados/as ás disciplinas da RFETA dadas as súas especiais características.



NORMATIVA Nº 2

TROFEOS FEDERACIÓN GALEGA – XUNTA DE GALICIA OUTRAS COMPETICIÓN



3. CALENDARIO E FORMATO DO CAMPIONATO

- 3.1. O calendario dos Trofeos determinarase na Asemblea Xeral.
- 3.2. A competición en aire libre será unha Serie WA 2*70 / 2*50 metros ou a que indique o regulamento WA ou RFETA; e en Sala unha Serie WA 2*18 metros.
- 3.3. Nos TROFEOS FEDERACIÓN GALEGA – XUNTA DE GALICIA non se celebrarán Series Eliminatorias.

4. MEDALLAS E TROFEOS

- 4.1. Outorgaranse trofeos aos/ás tres (3) primeiros/as clasificados/as de cada categoría, indicando a súa clasificación (Primeiro/a, Segundo/a e Terceiro/a Clasificado/a), sempre que se cumpra o disposto no artigo 2.4.

Nas categorías cadete e menores, entregarase medalla a todos os participantes que non obteñan trofeo.

Nas categorías onde non se dispute o seu campionato, por non cumprir o artigo 2.4., a entidade colaboradora na organización do Trofeo Federación poderá conceder trofeos, dispensando o mesmo recoñecemento a todas as categorías, previo acordo coa FGTA; salvo para as categorías cadete e menores, nas que se entregará trofeo ao primeiro/a clasificado/a, sen poder ser declarado/a campión/a, e medalla a o resto dos participantes.

Ao final de cada tempada a FGTA entregará aos/ás arqueiros/as que se proclamasen Gañadores/as do TROFEO FEDERACIÓN GALEGA – XUNTA DE GALICIA un diploma acreditativo de tal condición.

- 4.2. En caso de retirada non xustificada do Campionato, non se terá dereito a ningún premio.

I.B. OUTRAS COMPETICIÓN

1. DEFINICIÓN E ORGANIZACIÓN

- 1.1 A FGTA poderá organizar os postais indicados no calendario da RFETA, en colaboración cos clubs ou entidades que o soliciten.
- 1.2 A FGTA organizará os clasificatorios previos aos distintos Campionatos de España en colaboración cos clubs ou entidades que o soliciten, no caso de seren necesarios.



NORMATIVA Nº 2

TROFEOS FEDERACIÓN GALEGA – XUNTA DE GALICIA OUTRAS COMPETICIÓNS



1.3 Os postais poderán ter o mesmo formato que o convocado pola RFETA; e as tiradas clasificatorias terán o formato que se indique na circular correspondente.

1.4 Para que un club ou entidade colabore no desenvolvemento dun postal ou nunha tirada clasificatoria, deberá asinar un protocolo coa FGTA.

1.5 A entidade colaboradora comprometerase a cumprir co establecido nesta Normativa, no Protocolo de organización e na circular de convocatoria correspondente. En caso de non cumprir co establecido reterase a eventual subvención da FGTA.

A subvención aboarase unha vez que a documentación da competición (actas e resultados) estea en poder da FGTA.

1.6 Nestas competicións non haberá trofeos nin medallas para os participantes.

2. PARTICIPACIÓN

2.1 Poderán participar nestas competicións os/as arqueiros/as con licenza tramitada a través da FGTA. No caso de quedar postos de tiro vacantes poderanse ocupar con arqueiros/as con licenza da RFETA ou de calquera outra Federación recoñecida pola WA.

2.2 O número de arqueiros/as estará limitado pola capacidade das instalacións. O Club, ou entidade colaboradora, comunicará o número exacto antes da emisión da circular correspondente.

2.3 Tamén terán dereito a participar, independentemente do ránking e das puntuacións conseguidas, os/as arqueiros/as incorporados/as ás disciplinas da RFETA dadas as súas especiais características.

3. CALENDARIO

O calendario será o que se estableza na Asemblea Xeral da FGTA e/ou no calendario da RFETA.

4. INSCRIPCIÓNS

- A solicitude de inscrición enviarase polos Clubs inscritos na FGTA e, a ser posible, nun único envío ao enderezo e polos medios indicados na convocatoria.

- A inscrición realizarase mediante os formularios adxuntos á circular da convocatoria. Non se admitirá ningunha inscrición que non veña correctamente cumprimentada (nº de licenza, apelidos e nome, división e clase).

- O prazo de inscrición anunciarase oportunamente na circular do Campionato correspondente, finalizando dez (10) días antes da data da competición.



NORMATIVA Nº 2

TROFEOS FEDERACIÓN GALEGA – XUNTA DE GALICIA OUTRAS COMPETICIÓNS



- No caso de que o número de inscricións supere a capacidade da liña de tiro, as prazas asignaranse por orde de inscrición dos Clubs, asignándolles un mínimo de tres prazas a cada club.
- O/A arqueiro/a inscrito/a poderá renunciar a participar ou modificar a categoría na que se inscribe ata sete (7) días antes do día da competición. No caso de non facelo ou non presentarse á competición o seu Club deberá aboar igualmente o custo da inscrición, excepto por causas de forza maior debidamente acreditadas.
- Non se admitirán inscricións de arqueiros/as que non teñan a súa Licenza en vigor antes de efectuar a inscrición.

II. CUESTIÓNS COMÚNS

1. UNIFORMIDADE

- 1.1 Aplicarase o regulamento da WA e da RFETA en vigor. Estarán prohibidos os pantalóns vaqueiros e/ou roupa de rúa. O seu uso conlevará a descalificación do/a arqueiro/a desa competición.
- 1.2 Todos os participantes poderán levar prendas distintivas dos seus Clubs, podendo levar a publicidade que desexen.
- 1.3 O/A Capitán/a, Entrenador/a ou Delegado/a dun Club poderá levar tamén algunha prenda distintiva do seu Club, así como publicidade se así o desexa.

2. DESPRAZAMENTO E HOSPEDAXE

Todas as xestións, gastos de desprazamento, hospedaxe e manutención estarán a cargo e serán responsabilidade dos/as propios/as arqueiros/as. A FGTA e o Club, ou entidade colaboradora, non se responsabilizan, baixo ningún concepto, dos problemas que se poidan ocasionar por esta cuestión, nin polos servizos recomendados polo organizador na convocatoria.

3. VARIOS

- 3.1 Calquera cuestión non contemplada nesta Normativa será resolta pola Directiva da FGTA, e posteriormente trasladada á Comisión Delegada para a súa ratificación, se procede.
- 3.2 Para o TROFEO FEDERACIÓN GALEGA – XUNTA DE GALICIA de Sala solicitarase á RFETA o recoñecemento como Postal de Sala Clasificadorio para o Campionato de España Absoluto.
- 3.3 Os resultados dos Trofeos Postais serán remitidos á RFETA.



NORMATIVA Nº 2

TROFEOS FEDERACIÓN GALEGA – XUNTA DE GALICIA
OUTRAS COMPETICIÓN



III. APROBACIÓN E MODIFICACIÓN

Normativa aprobada pola Asemblea Xeral do 9 de abril del 2006

Modificada na Asemblea Xeral do 1 de abril de 2007

Modificada na Asemblea Xeral do 13 de abril de 2008

Modificada na Asemblea Xeral do 05 de abril de 2009

Modificada na Asemblea Xeral do 25 de abril de 2010

Modificada na Asemblea Xeral do 10 de abril de 2011

Modificada na Comisión Delegada do 27 de novembro de 2011

Modificada na Asemblea Xeral do 22 de abril 2012

Modificada na Asemblea Xeral do 20 de abril 2013

Modificada na Asemblea Xeral do 28 de marzo de 2015